

Sigle: Me

Aufbewahrungsort: Stiftsbibliothek Melk

Signatur: Cod. 55 (178; D15)

[347,01]A In höher lerer hiefz anhelmus der
pat vnfer frawn lang wainend vnd
vaftunnd daz fe im czu erchennen
geb wie vnfer her gemartert wer vnd do
er alfo nach feiner gewonhait vmmb dyfelben
fache eines males vnfer frawn pat mit
ganczem ernft do erfchain im vnfer fraw
vnd fprach alfo anhelme wiz mein liebes
chind hat alfo groffe marter erliten daz ich
es niemant an wainende augen wol gefagen
mag nu pin ich grofleich erhocht vön
meinem chind vber alles himlifch her vnd
vber alle creatur die got pëfchueff douon
So mag ich noch enſchol nymmer wainenn
vnd douon fo will ich von anegeng fagen
vnd auflegen die marter meines lieben chindes
do fprach anhelmus O allerliebſteu fraw
meine wie hueb ſich an daz die erft deines lie=
ben chindes marter do fprach maria do
mein chind an dem antlaſtag daz left ef=
fen mit feinen lüngern geeffen het vnd von
dem tiſch gie do gie Iudas czu den Iudiſchen
piſcholffen vnd gab in mein chind vmmb
dreißig phenning / darwmb verchafft wärt
Iofepp vor viertaufent lörn vnd warn
den Iuden czu ainen eribtail geuallen die
do mein liebs chind chaufften derfelben
phenning waz ye ainer czechen gemainer
phenning wert do fprach anhelmus fräw
werd du do pey *Christo* vnd pey feinen
lüngern do die dinkch alfo gefchachenn
do ſprch maria nayn ich doch wizz

[348,01] *anhelmus* do mein chind mit feinen Iüngern
die mandat pegie vnd in ir fueffe getwagen
het vnd feinen vronleichnam vnd Sein plut
geben het do gie Iudas czu den Iudifchen pifch=
olffen vnd do gie mein chind in derfelben czeit
vnder den perkch Oliueti in einen garten mit
Seinen iungern vnd do nam er drey vön
den andern Iüngern vnd denfelben drein
iungern gie er auch vnd hiez fi peten do
entlieffen die drey iunger vnd er gie vön
in als verre als man mit ainem Stain
gewerffen mag vnd pat an feinen vater
vnd fprach / erhor mich väter vnd hërre
wann dein parmherzichait ift voller gna=
den Siech mich an mit deiner manikual=
tichait deiner gnaden vnd deiner parmher=
czichait vnd erlos mich von allen meinen
nöten / do fragt aber *anhelmus* vnd fpr^hch
warummb pat *Jesus* den väter von hÿmel
vnd warummb voricht er die marter so
fer / do fprach maria / daz gefchach von drin
fachen die erft fach waz daz daz er gar czer=
tleichen gezogen waz vnd von chunnikleichem
geflecht geporn wäs vnd douon So tet
Im die marter wiefer den einem andern
menfchen / die ander Sach waz daz er got
vnd menfch waz vnd douon fo weft er
woll alle die marter die er leiden folt
vnd darwmb fo fwiczt er plutigen fwais
die drit Sach waz daz er woll weft
daz die iuden aller parmherzichait an
Im vergaffen vnd do er den vater alfo
[349,01] zu dem dritten mäll anpät vnd fprach vater
fey es dein will so vberheb mich der marter
aber dein will werd volpracht / do erfchain
Im ain engel vnd fterkcht in vnd fprach

her pis vestes herczen vnd furicht dir nicht
wanne die felig czeit ist chomen daz du
erlosen scholt alles menschleichts geslecht
von dem ewigen tode / darnach gie mein
chind czu den Iungern vnd vand si slaffunnd
vnd do sprach er czu in mügt ir nicht
ain weill mit mir gewachn / ftet auff
vnd fecht er chumpt doher der mich
hat verchaufft / vnd do er also mit in
ret do chom czuhant Iudas in den Garten
mit ainer groffen schar vnd sprach czu
In / ir herren ir Schult wissen daz *Jesus*
vnd iacobus gar geleich aneinander find
vnd mag man ainen von dem ânderin
nicht gar woll erchennen vnd douon So
gib ich euch ain czaichen welchen ich chüffe
den vâcht der ist der recht / vnd darnach
zogt iudas mit den iuden gegen meinem
chind vnd sprach vnd do sprach mein chind czu in wen Sucht ir / do sprachen
die iuden / *Jesum* von nazaret / do sprach meyn
chint / daz pin ich / vnd do er daz wartt
also gefsprach daz pin ich· do viellen die
iuden alle nyder auff die erden· vnd daz
gefchach also czwier / darnach sprach meyn
chint / feind ir mich fucht fo lat die
pey mir sint gën / czuhant chüft Iudas mein
[350,01]chint / do sprach mein chint Iudas verchauffest
du ~~mich~~ mit dem chuffe des menschen chind
darnach viellen die menschen an iesum
vnd viengen in / do czucht petrus ain fwert
vnd flug ainem Iudenchñcht ain or ab
derSelb chñcht hies malichus / do fragt
aber anhelmus / fraw gefchach aber an
derselben ftat chain czaichen / do sprach
maria / ia wenn es faczt mein chintt
daz or wider an Sein ftat vnd macht

den chncht czuhant gefunt. vnd sprach
czu fand peter / ftoz dein fwert wider in
die Schaid wann wolt ich den vater pitten
er fant mir czweliff fchar der engel die
fur mich vächten / czuhant fluchen dy iunger
alle von meinem chind / do sprach anhelmus
wer du dopey / do sprach maria / nayn ich / do sprach
anhelmus. wie mocht du daz verlann do
du in fo herczenlieb hetest / do sprach
maria / es waz nacht vnd gezam nicht
daz Iunnchfrawen auff der ftras giengen
do sprach anhelmus / wo wer du do / da spr^ach
maria / Ich waz In meiner fwefter häws
Iohannes mueter / wie wurt du fein do
inne / oder wer fait dirs· do sprach maria·
nu hör es chomen die Iunger Schreiund
vnd chlagunng / vnd sprachnen· O allerliebste
fraw· dein chind vnfer maister ~~maister~~
ift geuanngen vnd wir wiffen nicht wö
[351,01]vnd gedacht halt ob er fur daz gericht
chem er vnſchuldigt fich felben vnd daz
tet er nicht er ftund als ain vnſchuldigs
lâmp vnd tet nie auff feinen münd / do
gedacht ich auch er ift als mynnikleich
daz fi fich vber in erparment / darnach
vber ain chlaine weil do ward er fo gâr
verſpeit als äin auffecziger menſch / do furten
few vil vafter gezeugen vber in vnd ſprachen
er wer ain ftorer der ee vnd ein ver(=)
reter des volks / do ftünden gezeugen auff
vnd ſprachen / er hiet gefprochen er wolt
den tempel czerfuren vnd in drin tagen wider(=)
pringen / do sprach Chaiphaz ſag an piſtu
chriſtus *Jesus*. do ſprach mein chind. ſag
ich euchs ſo gelaubt ir mir fein nicht.
aber ich ſag euch ir wert den himel offen

fechen ften· vnd des menschen chind siczen
czu der rechten hant götes· do spielten im
der iuden priester fein gewant vnd spra=
chen / wir pedurffen nicht mer gezeugen
nu hort ir doch wöll er hat wider got
gerett. czuhant schrieren fy alle· er ist
schuldig des todes. do durchstach czu dem
andern mall ein swert mein hercz / do
sprach anhelmus· wo ward er hingefurt
do sprach maria· czu dem Richter pilato·
do sprach anhelmus· O aller liebftew frau
hecht du chainen gedingen mer. do sprach
[352,01] maria Ia ich het groffen gedingen wenne
daz volk czufamen chem / den er offt so suef=
fikleich gepredigt het vnd die sichen die er
gefunt het gemacht vnd die er In der wüft
gespeist het do ab few in löften von den Iuden
des teten few nicht fy ruefften mit lauter
stimme czu pilato man Schol im chrewczen
vnd sprachen er hat gesprochen er sey gotes
fun vnd hat verpoten den czins cze geben vnd
do fragt in pilatus von feinem Reich /
do antwurt er im vnd sprach / mein reich
ist nicht von difer welt wan wer mein
Reich von difer wölt so sriten mein diener
fur mich do sprach pilatus / fo pistus ain
chunig. do sprach *Jesus*. du haft es gesprochen.
wann ich pin ain chünig vnd pinn dartzue
In dife welt chomen daz ich gezeug sey
der worhait / do sprach pilatus / waz ist
di worhait / vnd dife frag wolt er im
nicht czerlofen wan hiet er im sey czer=
loft er hiet in nicht getottet / vnd wer
alles menschleichts geflecht nicht erloft
worden czuhant do Iudas erhört daz
man in tötten wolt do gie er czu den

Iuden vnd sprach ich han gefundet vnd
han verchaufft daz Recht pluet. Vnd gieng
vnd hieng Sich. do sprach pilatus czu dem
fürften vnd czu dem volk. Ich vind chein
[353,01]Schuld an dem menschen. do sprachen fy
all mit ganzem ernst / er hat daz völkch
von Galilea pëchert / vnd do pilatus hört
daz er von galilea wás / do fant er in czu he=
rodes. vnd do herodes *Jesum* erfach do wart
er gar fro· vnd fragt in vil dingn vnd
ob er der wer der die plinten gefechen ma=
cht der lazarum hiet haiffen aufften / vnd
erchukcht hiet der witiben fun / vnd ge=
hies im / tet er ain czaichen vor im er wölt
in losen von den iuden aber mein chint
sprach nichtz / do faczten se im auff ain chron
domit müft er gechronet werden vber
alle fürften / vnd gehies im / tet er ain cza=
ichen vor im er wolt im ain tail an feines
reich geben / aber mein chint sprach nichtz
/ do verfmechet in herodes vnd legt im
an ain weis gewant / vnd furt in wider
czu pilatum. do warten se mitainander gefrewt pilatus
vnd herodes. do wolt pilatus mein chind
haben lassen· vnd warrabam haben getottet·
do sprach daz volkch alleffämp. hebt *Jesum*
auff vnd tott in vnd latt Barrabam pús
/ do sprach pilatus czu dem dritten mäll /
waz hat er vbels getan ich vind chain
Schulde des todes am im / ~~nicht~~ ich will
In haiffen flachen vnd will in leben lassen
do schrieren die Iuden chrewczt in. do fant
[354,01]pilatus hawffrawn czu im daz er dem ge=
rechten nicht tót / fy hiet die nacht vil
geliten von im / do wolt pilatus erfult
haben der iuden pegerung vnd hies in

pinten czu ainer failn vnd hies flachen fei=
nen leib daz daran nichcz gefuncz pelaib
vnd die faul waz alfo dikch daz im wol span=
ne gepraft daz er nicht hinvmmb geräichen
mocht / do namen few riemen vnd czugen
Im die hent domit hinvmmb do namen
in die Ritter vnd flochten im ain chrön
von dorn vnd drukchten im dy in fein häup
doch waz diefelb chrön nicht von Rechten
dörn Sy waz von merfpinnen die find vil
grewleicher vnd fpicziger den ander dörn
diefelben chron die drukten fe im in fein haup
mit ainem fper daz Im daz plut vber fein
antlucz floz vnd alfo gechronn furten fe
in ainen Roten ~~phelle~~ mantel fur die iuden
vnd fprachen nu fecht daz ift der mensch /
czuhant do in der Iuden pifcholff fach do fch=
riren fy all chrewczt in / do fprach pylatus
nempt in felben vnd tuet im nach ewr
·ee· vnd richtet vber in / do antwurten
fe in wir haben in vnfer ·ee· daz er fter=
ben fcholl. wann er hat fich gotes fun
gehaiffen / do pilatus die red erhott.
do voricht er die iuden vnd gie wider
zu *Jesum* In daz dikchhåws vnd fprach czu
[355,01]nicht Er fprach wildu mir nicht ant=
wurten / waiftu nicht daz ich gewält hän
dich czu laffen vnd auch czu totten / do fpr^hch
Jesus / du hieft chainen gewalt vber mich
wer er dier nicht von <mich> geben / darwmmb der mich
verchaufft hat der hat groz funt gëtan /
darnach gert aber pilatus daz man *Jesum*
liez / do fchrieren die iuden all vnd fprachen /
left du in fo piftu nicht des chaifers fre=
unt / wan wer fich haift ainen chunig der
will wider den chaifer fein / do pilatus

daz erhört daz anders nicht macht ge=
fein do twüg er fein hent vor dem volk
vnd sprach / Ich wil vnſchuldig fein an
des menſch plut / nü fecht wie ewch
geſchech do ſchriren fy all / fein plut ge
vber vns vnd vber vnſze chind / vnd ſch=
riren ſo lang vnd ſo vill vncz daz pilatus
die vrtail gab vber in vnd liez in Bar=
rabam den manflechtigen ledigen / aber mein
chint daz gab er in daz fy iren willen volp=
rachen an im / do ſprach anhelmus / waz
tet du do du daz erhörcht. do ſprach
maria. do durchſtach aber ein ſwert
mein hercz. do ſprach anhelmus. waz
geſchach dārnach. do ſprach maria. do
namen ſe mein aufderweltes liebs chint.
vnd legten im daz chrewcz auff feinen
[356,01]Rükch vnd furten In aws der ſtat. do man dÿ
vbelen lewt verdampft. vnd do chronen ſe in
vnd daz chrewcz waz alfo gröz daz es het
funczechen ſchuch an der leng / do waz mein
chint die nacht ſo chrankch wārn daz er
daz chrewcz nicht getragen / macht / do gewun=
nen fy ainen armen man der es fur in trüg
daz teten ſe nicht durch parmung Sunder
daz er fein nicht getragen mächt. do ſprach
anhelmus. gie nyempt mit im do man in
awſfurt. do ſprach maria. ia vil volkes
cham. ſam mit ainem diep· vnd frawn wai=
n<u>d und chlagunnd vnd vil chind vnd er
sprach czu den frawn / Ir tötter von *Jerusalem*
waint nicht vber mich waint vber euch
vnd vber ewre chind die nicht wiſſent
waz fy tünt vnd ſtain vnd hör vber mich
werffent Es chumpt noch der tag daz
man wirt ſprechen felig iſt die fraw dy

nicht chint trait felig find die prüft
die nicht faugent vnd peginnet sprechen
czu den pergen vallent vber vns vnd czue
den pūchen pedächt vns vnd do mier daz
gefchicht waz gefchicht den heiligen meinen
nam furt auch czwen vbelterer mit im
die wolt man tötten / daz tet man im
auch czu fchanten wan fy hiengen ainenn
czu Seiner Rechten hant / vnd den andern
[357,01]czu der tenken hant / do sprach anhelmus. wie
täten fe im / do sprach maria / nu hor anhel=
mūs / waz ich dier iemerleicher ding fagen
will daz chain Ewbangelift Schreibt / do
few in prachten an die ftat do fy in totten
wolten / do enploften fe in gar / do waz ich
gar amchtig worden / daz ich nymer mächt
do ich in enplofften fäch / do nām ich. ain
tuch von meinem hawp / vnd pant üms
vmb fein lent / darnach legten fy daz chrewcz
auff die erden vnd wurffen in darawff
vnd do fy ain nagel geflugen / der waz fo
gröz daz die wuntten nicht geplutten moch=
ten / als gar het der nagel die hant gefullet
/ vnd darnach namen fy fail vnd czugenn
Im den andern arm damit hin vmb czu dem
löch hinn / vnd dieselben hant flugen fy im an
/ also daz man im all feine pain fäch / do
wart derfullet des weiffagen herrn dauicz
gēpot / hor tochter vnd siech als ob er ~~fech~~ spreich
hor allerliebftew fraw die hämerfleg
/ damit man im hent vnd fuez anflecht
/ vnd Siech wie Iemerkeleich er hängt
Siech vnd hor vnd leid mit im do hort
Ich vnd fäch daz aber ein fwert mein
hercz durchfäch darnach Richtaten Sÿ
daz chrewcz auff mit groffer ar<i>bait do

waz es also höch daz ich die fūcz nie perūrn
mocht / do man es do auffgericht hētt
[358,01]do wurden von des leibes fwer auffgetan
aller Seiner wunden vnd gezert daz vil
plutes vnd von henden vnd fueffen rān do waz
Ich gechlaidet als in dem lande gewondlich
waz mit ainem chlaid daz pedakcht daz
häwp / vnd allen den leip daz waz als pefloffen
mit plut vnd pēfterkcht / do sprach anf=
helmus / waz geschach darnach / do sprach
maria / do se in geschrewczet heten / do tailten
few feine chlaider / vnd vber fein gewant
legten few loz / czuhant schraib pilatus
ain t~~ail~~ tael do Staind an *Jesus* von nazaret
der Iuden chunich / do sprachen die Iuden /
Schreib nicht der iuden chunig Sunder
er hat sich gehaiffen der iuden chünik / do
sprach pilatus / daz ich geschriben hān
daz han ich geschriben / aber die den weg
herfurgiengen / die spotten fein vnd
sprachen / der Schacher sprach er wolt
den tempel czerftorn vnd in drein tagen
widerpringen vnd spr[&]chen piftu gotes
fun gehaiffen ge ab dem chrewcz So
gelaub wir an dich / also taten auch
der iuden priester vnd ir Schreiber
vnd sprachen anderen leuten hat er ge=
hölffen nu helff im Selber Seiff du
[359,01]es der chunig von ifrahel so ging ge von
dem chrewcz so gelaub wir an dich / vnd
sprachen er hat got / getrawt er lost in
Er sprach er wer gocz fun / do sprach anf=
helmus / waz sprach dein chind czu dem gefpot do antwurt maria
er sprach / her vergib ins wan fy wiffent
nicht daz fy fundent / do spotten fy fein
aber / do sprach er hor tochter vnd siech

meinen groffen wetagen nu waiftu wol
wie ich enphangen wart von dem heiligen
geift vnd daz du in der purt vnd nach der
purt magt pelibt vnd waift wöll wie
du mich erzogen haft wellent fe fein nicht
gelauben daz ich fey gotes fun fo glaub
aber dv es leid mit mir do durchftäch
aber ein fper meyn fell do daz der Schacher
czu der tenken feitten erhort der ftrafft
in vnd fprach feift du gotes fun fo hilf
dier vnd vns / do ftrafft in der czu der rechten
hın hant vnd fprach / furchteft du nicht gött
vnd pift doch In den felben noten des todes
daz wir leiden daz hab wir verdient aber
der menfch der hat n<i>cht vbel gētann
vnd fprach her gedenk mein wan du
chümf In deines vater reich / do fprach
Jesus / ich Sag dir wërleich du Scholt
[360,01]heut mit Mir fein In dem päradeis / do
fprach *anhelmus* / fraw waz gedecht du
do / maria / Ich ftaind pey dem chrewcz voller trav=
richait daz ich im nicht gehelffenn
macht vnd ftuenden pey mir mein czwo
fwefter vnd maria magdalena vnd Iohan(=
nes vnd do mich mein chind säch vnd
Iohannem den er do lieb het do chert er
Sich czu mir vnd fprach nym war Iohan=
nes daz ift dein mueter / do waz iz die
fechftzeit / vnd wart ain vinfter vber
alles edreich vnd czu nonczeit Schrai
Jesus mit lauter Stimme hely hely lama=
zabatani daz fpricht mein got wye
haftu mich verlaffen fümleich / die do
ftunden die fprachen er rufft helyam
nu peit wir vnd fechen ob helias chöm
vnd in loz / darnach weft got wöll daz

es alles völpocht wird vnd sprach /
mich dürft / do ftaind ain vaz mit ezzeich
do nam ainer ainen padfwan vnd legt
den auff ain fper vnd gab im cze trinkchen
daz er defter fchirer ftürb / do er fein do
enphieng do sprach er / es ift alles vol=
pocht darnach mit genaigten häwpp
gab er feinen geift auff / darnach fpielt
Sich der vmbvankch des tempel vön
[361,01]oben vncz cze niden vnd czercluben fich die
ftain vnd pefunder der Stain do daz / chr=
ewcz Inne ftaind der czerspielt sich daz
man ain hant darein legt vnd daz edreich
erpidemmt vnd die greber taten fich aüff
vnd ftunden vil heiliger leichnam daravs
die vor tod warn vnd giengen czu ierufalem
In die Stat vnd erfchinen vil lewten vnd
do ftaind Centurio vnd die pey im wärn
die dy dinkch die do gefchachen die erfchra=
kchten sere do sprach Centurio / werleich
daz ift gotes fun nempt war wie alle
element mit im leident nur allain die
Iuden die find erhört herter den ftain es ftaind auch vill
volkes dapey chomen czu in felben vnd
flugen an ir hercz vnd ftuenden auch feyn
freunt vor hin dan vnd auch fein chunden
vnd Sachen daz alles / do sprach anhelmus
O allerliebfte wvaw het aber do dein laid
ain end vnd deines chindes do sprach maria
nayn es waz Symones weiffagunng dennoch
nicht volpocht der do sprach ein fwert
Scholt mein hercz durchftechen nü hor
daz chlegleich ift vber es alles / paten
die Iuden pilatum durch ir hochzeit daz er
zerprech ire pain do chomen die Ritter
vnd prachen dem ainen feine pain vnd

[362,01]vnd Sunder chöm ain Ritter vnd ftach
mein chind mit ainem fper in fein feitten
vnd in fein hercz do gie czuhant waffer
vnd plut heraws vnd do ich daz fach
daz fe im so Iemerkeichen teten do ward
ich amachtig vnd durchftach aber ain
fwert mein fell do hub ich an vnd fchray
vnd chlagt wan ich macht nicht mer
gewainen von dem daz ich alle dy näch
vnd den tag vber waint het douon
So fchray ich vnd prach we mir fueffes
chind meines wo ift nu aller meyn troft
den ich an dir gehabt hän wer geit mir
daz ich fur dich ftürb liebs mein chind
mit sogetaner Iemerkeicher chlagt
ich mein chind do sprach anhelmus
waz gefchach darnach do sprach maria
do patt Iofepp von aromathia pilatum
daz er im den toten leib geb vnd fprach
czu dem chunich geift du mir nicht
Schier den toten leib fō verdirbt die
allerfchonift vraw Iunge des Iunnlins
müeter der do getott ift wan fy hat
als iemerkeiche chlag daz wir all
mit ir czu chlagen haben do fragt pilatus
ob er yeczund tod wër vnd do er do
[363,01]h<a>rt von Centurione von difenn dingen
die do gefchechen warn do gab er Iofeppen
den toten leib *Jesum* nu hor daz gar chlag=
leichen ift wan do iosepp wolt abnemenn
den toten leip *Jesu* do ftuend ich vnd lugt
auff wann er ainen arm erloft daz ich in
czu mir vieng daz gefchach vnd do er ab
dem chrewcz genomen ward do legten few
In auff die erden drey <griet> von dem chr=
ewcz do nam ich fein hawpp an mein

hercz vnd waint pitterleichen we mir herczen(=
liebes chind waz troft han ich nün Seind
Ich dich töten Siech do leuff Iohannes czu
mir wainend we mir von dem herczen han
Ich getrunckchen vil fuffichait vnd nu trink
ich daraws Iamer vnd nött do chom pe=
trus daz er fein verlaugent het do waint
er gar pitterleichen vmmb do chöm maria
magdalena vnd waint vor in allen vnd
viel vmmb mein chind vnd sprach wer
vergeit mir mein funt vnd wer vnschul=
digt mich vor meiner swefter vnd vor
Symon do lieffen die andern auch där
vnd chlagten vnd schriren do tet ainen
troft nür feiner mueter vnd feinen iun=
gern daz chain wunden an feinem leib
waz an die fünff wunden die er woltt
[364,01]pēhalten vncz an den Iungiften tag er wa=
rd auch alfo chlar als ob er nye hiett
müe derliten do ward die müeter vnd
die Iünger ain wenig getroft vnd do
few in pegraben wölten do habt ich den
leichnam vaft vnd lie in nicht gērn
pegraben vnd sprach czu Iohannes lieber
Iohannes laz mir mein chind alfo tödes
den ich nicht lempdig gehabt mäg oder
pegrab mich czu im iohannes der sprach
O allerliebste fraw nu waift du wöll
daz es anders nicht mocht gefein er müft
erlofen alles menfchleichts gefchlecht do lie
Ich in pegraben aber vil vngern vnd do
man in In daz grab legt do wer ich gern
czu im hinein gewefen do enlie mann
mich nicht do viel ich fo gar iemerck=
leichen auff daz gräb daz die Iunger al=
le müeftē wainen do nam mich Iohan=

nes vnd wolt mich In die ftat weifen
von dem grab do tet ich fo gar iemer=
leichen daz er mich chawm von dem
gräb pracht vnd fchray Iohannes liber
freunt mein tue mir als vnrecht
nicht daz du mich icht fchaideft vön
meinem lieben chind vnd las mjch
peleiben vncz daz Ich erfterb und tẽtt
[365,01]als chlagleich daz fy muften wainen
do nam mich Iohannes vber mein willen
vnd furt mich in die ftat vnd do mich
daz volkch fach alfo gefprengt mit dem
pluet als mir vnder dem chrewcz gefche=
chen wàs do fchriren fy alle mit gemainer
ftymme von des groffen vnrecz daz hewt
gefchechen ift czu ierufalem an der aller(=
fchoniften frawn vnd an irem chinde vnd
hulffen mir cze chlagen do pelaib ich In
meiner fwefter haws vnd von groffem
herczenlaid het ich chain chrafft fo ich
faz fo wolt ich fein czeproften fo ich auff(=
ftund fo vil ich wider nyder fo ich lag so
waz ich pey meinem chind vnd pey dem
grab vnd wer gern auffgestanden do mächt
Ich von chrankchait vnd von groffem
herczenlaid nicht Ich chlagt vnd het groffen
iamer nacht vnd tag vnd mich chünd
mein fun iohannes nicht getroften noch meyn
Swefter maria magdalena mich chünd
vil meiner freunt nicht getroften noch
alle dew mich Sachen vnd wurden die
wört an mir erfult die Ieremias vor
lang her het gefprochen plorans plo=
raui in nocte non eft daz fprichtt
[366,01]Sy waint tag vnd nacht die warn an iry
wangen vnd macht fey nyemant getroften

vnder allen irn freunden awe hör anfhel=
müs mein groz herczenlaid do meyn fwefter
vnd maria magdalena Sich peraitten
mit guter falben vnd wolten gen czue
meines chindes grab vnd wolten meyn
chind falben vnd do fy von mir giengen
do müeft ich von Rechter chrankchait
peleiben in dem häws daz tet mir gar
we daz mir viel ain hertes auff daz ander
daz ich mit den lieben frawen dar nicht
chomen möcht do waz mein hercz alle
tag pey im vnd gedacht an fein czartes
antlucz daz Ich dich froleich han gefechen
vnd an fein fueffe wört die im von feinen
munnd dikch warn gefloffen vnd wie er
verraten wäzz von feinen freunten vnd
waz er ftoz vnd gefpocz het enphangen
vnd do er vor gericht ftünd do wäzz
ain gros gefchrai an in vnd wie fein
vor herodes verfpot wäz vnd wie vnge=
zogenleichen die mörder aus der ftatt
mit im gefurt wurden vnd wie er ge=
trenkcht wãrd mit effeich vnd mit
gallen vnd mit mirren vnd do er mit
groffer Stimme fchraÿ mich durft daz
waz nach hayl menfchleichts chunne
[367,01]Vnd daz Im ezzeich cze trinkchen gaben vnd
few dennoch nicht genügt fich Rechen fich
dennoch an feinem toten leib vnd ftochen
Im ain fper in fein feitten vnd do ich daz
alles pedacht do fchraÿ ich mit lauter
Stymme got vnd menfch fchepffer vonn
hÿmel vnd von erd vnd aller creatur
wie Recht pitterleichen. du von dem menf=
chen getroft pift durch daz du dy menf=
chait von deiner diern nempt an dich

die dy hymel noch daz erdreich noch daz
mer pegreifen mocht der leit peflossen
In ainem ftain awe der ewig vnd vnto=
dleich gött der darwmmb menfch wart
daz er den *verlorn* menfchen widerprächt
der möcht feiner chünthait nicht geni=
effen vnd fein pegert herodes daz er
in erflug awe den die in habent erhan=
gen durch der willen er auff ertreich
chöm vnd mit in gutleichen wandelt
vnd die töten hies auffften vnd die
macht er gefunt vnd in alle czeit
gotleiche werich erzaigt vnd do ich
In der groffen chlag waz vnd mein fwe=
fter maria magdalena vnd mein chind
Suchten vnd mich In dem haws hētenn
[368,01]gelaffen wan Ich nicht geuolgen mächt
czu dem grab do chom mein chind mit
alfo groffer herfchafft vnd mit vngele=
ichen freunten do waz fein antlucz vnd
aller fein leib fo wünkinchleyn vnd alfo
fchon vnd durchleucht als der weiffag
sprach daz ift der allerfchonift vber all
menfchen vnd dō er alfo mit groffer her=
fchafft erfchain do fach er mich alfo güt=
leichen an daz ich alles meines herczenlaid
vergaz czuhant viel ich nider und chuft in
an fein füez vnd sprach czu im ewiger
fun des vaters von hymelreich vnd meyn
czartes chind ich lob dich daz du alles
menfchleichts chund erledigt haft mit dei=
nem tod vnd mit deiner marter vnd do ich
die wart czu im gefprach do fchied er fich
von mir do chom mein fwefter maria *magdalena*
dew heten groffe frewd mit mir dy fun
erfchain von Rechten frevden vnd gab die

taten wider daz fy wern gezeug der erle=
ichen vrftend vnd mir waz all meyn laid
verfwunden nicht allain daz mir mein chind
wider wart ich frewt mich daz alles me=
nſchleichs chunne erloft waz von dem ewigen
tod anhelme also hat ſich *vergangen* die
marter vnd daz *leiden* meines lieben chind
vnd dy vrftend feines *leidens* aller ſache *amen*
Vnd wer daz puchl liſt der
hat gelück czu aller frift